



# Veitokoni vakailavo ena Cagilaba o Gabrielle

Keitou na rairai rawa ni vakarautaka vei iko na veitokoni kei na veivuke kevaka o mani vakaleqai ena vuku ni Cagilaba o Gabrielle. E levu tu na sala keitou rawa ni veivuke kina, ena rawa tale ga ni keitou dusimaki iko ena gaunisala dodonu e ganita na kemu ituvaki.

## iLavo ni Veivuke ina Lewenivanua

Na iLavo ni Veivuke ina Lewenivanua e sa vakarautaki tu kevaka o vakaleqai ena cagilaba ena dua vei ira na yasana qo

- Tairāwhiti
- Yasana o East Coast
- Yasana o Hawke's Bay
- Yasana o Manawatu
- Yasana o Wairarapa
- Yasana o Horowhenua
- Yasana o Northland
- Yasana o Okaladi
- Waikato District Council
- Thames/Coromandel District Council
- Hauraki District Council
- Matamata/Piako District Council

E sega ni gadrevi mo dua vei ira na dau vukei ena matanitu mo taura na iLavo ni Veivuke ina Lewenivanua, e rawa tale ga nira wili eke o ira na sega ni lewenivanua. Ena vuqa na ituvaki ena sega ni bibi na veika o rawata vakailavo se na veika o taukena.

### Keitou rawa ni veivuke ena

- kakana e gadrevi vakatotolo, isulu kei na iyaya ni moce kevaka e vakacacani na nomu se vakarusai
- nomu sega ni veisaumi ni o sega ni cakacaka rawa ena vuku ni Cagilaba o Gabrielle
- na veika me saumi ke gadrevi mo biubiu mai vale
- Na sausaumi kevaka era mai vakaicili ena nomu itikotiko vakaitaukei, marae se vale ni soqo o ira na biubiu mai nodra vale ena vuku ni cagilaba.

### Ena vinakati mo vauci ena dua vei ira na ituvaki qo ena vuku ni leqa tubukoso

- vinakati mo biubiu mai nomu vale (me vaka nomu vagalalataki mai nomu itikotiko se wawa tiko mo kau)
- o a sega ni tiko e vale ena gauna e yaco kina na leqa tubukoso qai sega ni rawa ni o lesu tale kina
- o gadreva na veivuke ni kakana, imocemoce se isulu
- e sega ni rawa ni o lai cakacaka.

### Ena gadrevi tale ga

- mo sega ni rawa ni sauma rawa na veika o gadreva ena nomu inisua (se o sega ni se saumi)
- sega ni dua tale na veivuke e rawa ni vakarautaki vei iko me vaka na cau mai na lewenivanua kei na ilavo ni veivuke ni vakacoko

Kevaka o sega ni kila ni na rawa ni sauma na inisua na veika me saumi, se rawa tiko ga ni o taura na iLavo ni

Raica na veika ena gadrevi mo tukuna vei keitou **ena tabana tarava**

Veivuke ina Lewenivanua. Ena yasana kadua, kevaka e mani soli vei iko na iLavo ni Veivuke ina Lewenivanua qai sauma na inisua na veika qo, ena gadrevi mo sauma lesu mai vei keitou na ilavo.

### **Kevaka o vakalewe fomu ena gadrevi mo vakaraitaka vei keitou na**

- yacamu taucoko
- tikinisiga ni sucu
- naba ni talevoni
- vanua e tiko kina na nomu itikotiko
- nomu itikotiko ena gauna qo (kevaka e gadrevi mo biubiu mai vale).

Kevaka o mani vakalewe fomu ni sega ni dua nomu veisaumi ena vuku ni leqa tubukoso, ena gadrevi tale ga mo tukuna vei keitou nomu

- naba ni IRD
- naba ni akaude ena baqe
- itukutuku matata ni veisaumi o sega ni rawata
- itaukei ni cakacaka
  - yaca
  - vanua e tiko kina
  - yaca ni veitaratara kei na itikotiko me keitou veitaratara kina.

Mo rawa ni vakalewe fomu ina iLavo ni Veivuke ina Lewenivanua qirita na Tabana ni Cakacaka kei na Veisaumi ena **0800 400 100**.

## **Eso tale na veitokoni**

E levu tale tu na sala e rawa ni veivuke kina na Tabana ni Cakacaka kei na Veisaumi ena veika e gadrevi me saumi kevaka e vakarautaki tiko vei iko na veivuke ni matanitu se lailai na kemu isau.

Na Tabana ni Cakacaka kei na Veisaumi ena vakarautaka tale ga eso tale na veivuke me vaka na kena vaqarai na cakacaka kei na veivuke ni saumi ni nomu vale.

E duidui na keda ituvaki, na veika e rawa ni vakarautaki vua e dua, kei na kena gadrevi me saumi lesu na ilavo ena vakatau ena kemu ituvaki.



Mo kila eso tale na itukutuku ni veika e gadrevi vakatotolo se so na ka me saumi e sega ni namaki, gole ina [workandincome.govt.nz](https://www.workandincome.govt.nz)

Mo kila eso tale na itukutuku me baleta na veiqravi ni vuvale kei na itikotiko, gole ki na [familyservices.govt.nz](https://www.familyservices.govt.nz)

